॥प्रथमः प्रश्नः॥

॥ तैत्तिरीयसंहितायां तृतीयकाण्डे प्रथमः प्रश्नः॥

प्रजापंतिरकामयत प्रजाः सृंजेयेति स तपोंऽतप्यत् स सपानस्जत् सोंऽकामयत प्रजाः सृंजेयेति स द्वितीयंमतप्यत् स वया इंस्यसृजत् सोंऽकामयत प्रजाः सृंजेयेति स तृतीयंमतप्यत् स एतं दींक्षितवादमंपश्यत्तमंवदत्ततो वै स प्रजा अंसृजत् यत्तपंस्तस्वा दींक्षितवादं वदंति प्रजा एव तद्यजंमानः (१)

सृजते यद्वै दीं क्षितों ऽमेध्यं पश्यत्यपाँ समाद्दीक्षा क्रांमित् नीलंमस्य हरो व्येत्यबंद्धं मनो दिरद्रं चक्षुः सूर्यो ज्योतिषा ॥ श्रेष्ठो दीक्षे मा मा हासी रित्यां हु नास्मादी क्षा ऽपं क्रामित नास्य नीलं न हरो व्येति यद्वै दीं क्षितमंभि वर्षित दिव्या आपो ऽशाँ न्ता ओजो बलं दीक्षां (२)

तपौंऽस्य निर्घन्त्युन्द्तीर्बर्लं धृत्तौजों धृत्त बर्लं धृत्त मा में दीक्षां मा तपो निर्विधिष्टेत्यांहैतदेव सर्वमात्मन्धत्ते नास्यौजो बर्ल् न दीक्षां न तपो निर्घन्त्युग्निर्वे दीक्षितस्यं देवता सौंऽस्मादेतर्हिं तिर इंव यर्ह् याति तमीक्षर रक्षा से हन्तीर्- (३)

भुद्राद्भि श्रेयः प्रेहि बृह्स्पतिः पुरपुता ते अस्त्वित्यांह ब्रह्म वै देवानां बृह्स्पतिस्तमेवान्वारंभते स एन् सं पारयत्येदमंगन्म देवयजनं पृथिव्या इत्यांह देवयजन् इं ह्येष पृथिव्या आगच्छंति यो यजंते विश्वें देवा यदजुंषन्त पूर्व इत्यांह् विश्वे ह्येंतद्देवा जोषयंन्ते यद्वाँह्यणा ऋंख्सामाभ्यां यजुंषा सन्तरंन्त इत्यांहर्ख्सामाभ्यां इ ह्येष यजुंषा सन्तरंति यो यजंते रायस्पोषेण सिम्षा मेद्रेमेत्यांहाऽऽ-शिषंमेवैतामा शाँस्ते॥ (४)

प्रजमानो दीक्षार हन्तौर्बाह्मणश्चतुंविरशतिश्व॥———[१]

एष ते गायत्रो भाग इति मे सोमाय ब्रूतादेष ते त्रैष्टुंभो

जागती भाग इति मे सोमाय ब्रूताच्छन्दोमाना र साम्राज्यं गुच्छेति

मे सोमाय ब्रूताद्यो वै सोम् र राजांन् साम्राज्यं लोकं गंमयित्वा कीणाति गर्च्छति स्वाना साम्राज्यं छन्दा सि खलु वै सोमस्य राज्ञः साम्राज्यो लोकः पुरस्ताथ्सोमस्य क्रयादेवम्भि मंत्रयेत

साम्राज्यमेवै- (५)

नं लोकं गंमयित्वा कींणाति गच्छंति स्वाना सम्प्रांज्यं यो वै तानूनप्रस्यं प्रतिष्ठां वेद प्रत्येव तिष्ठति ब्रह्मवादिनों वदन्ति न प्राश्चन्ति न जुंह्वत्यथ् के तानूनुष्ठं प्रतिं तिष्ठतीतिं प्रजापंतौ मन्सीतिं ब्र्यात्रिरवं जिघ्रेत्प्रजापंतौ त्वा मनंसि जुहोमीत्येषा वै तानूनुष्ठस्यं प्रतिष्ठा य एवं वेद प्रत्येव तिष्ठति यो (६)

वा अध्वर्योः प्रतिष्ठां वेद् प्रत्येव तिष्ठिति यतो मन्येतानंभिक्रम्य होष्यामीति तत्तिष्ठन्ना श्रांवयेदेषा वा अध्वर्योः प्रतिष्ठा य एवं वेद् प्रत्येव तिष्ठिति यदंभिक्रम्यं जुहुयात्प्रंतिष्ठायां इयात्तस्मांध्समानत्र तिष्ठंता होतव्यं प्रतिष्ठित्ये यो वा अध्वर्योः स्वं वेद स्ववानेव भवित सुग्वा अस्य स्वं वायव्यमस्य (७)

स्वं चंम्सौंऽस्य स्वं यद्वांयव्यं वा चम्सं वाऽनंन्वारभ्या-ऽऽश्रावयेथ्स्वादियात् तस्मादन्वारभ्याऽऽश्राव्यक्ष् स्वादेव नैति यो वै सोम्मप्रतिष्ठाप्य स्तोत्रमुपाकरोत्यप्रतिष्ठितः सोमो भवत्यप्रतिष्ठितः स्तोमोऽप्रतिष्ठितान्युक्थान्यप्रतिष्ठितो यजमानो-ऽप्रतिष्ठितोऽध्वर्युर्वाय्वयं वै सोमंस्य प्रतिष्ठा चंम्सौंऽस्य प्रतिष्ठा सोमः स्तोमंस्य स्तोमं उक्थानां ग्रहं वा गृहीत्वा चंम्सं वोन्नीयं स्तोत्रमुपाकुर्यात्प्रत्येव सोमई स्थापयंति प्रति स्तोमं प्रत्युक्थानि प्रति यजमानस्तिष्ठति प्रत्यंध्वर्युः॥ (८)

पुव तिष्ठति यो वांय्यांमस्य प्रहुं वैकाजविश्यातिश्री।————[२]
यज्ञं वा एतथ्सम्भेरन्ति यथ्सोम्ऋयंण्ये पदं यंज्ञमुख १
हंविर्धाने यर्हिं हविर्धाने प्राची प्रवर्तयेयुस्तर्हि तेनाक्ष्मपा अयाद्यज्ञ-

मुख एव यज्ञमनु सं तंनोति प्राश्चमित्रिं प्र हंर्न्त्युत्पत्नीमा नयन्त्यन्वनारंसि प्र वंर्तयन्त्यथ् वा अस्यैष धिष्णियो हीयते सोऽनुं ध्यायति स ईंश्वरो रुद्रो भूत्वा (९)

प्रजां प्रशून् यजंमानस्य शमंयितोर्यर्हि प्रशुमाप्रीत्मुदंश्चं नयंन्ति तर्राहे तस्यं पशुश्रपंणः हरेत्तेनैवैनं भागिनं करोति यजंमानो वा आंहवनीयो यजंमानं वा एतद्वि कंर्षन्ते यदांहवनीयांत्पशुश्रपंणः हरंन्ति स वैव स्यान्निर्मन्थ्यं वा कुर्याद्यजंमानस्य सात्मत्वाय यदि पृशोरंवदानं नश्येदाज्यंस्य प्रत्याख्यायमवं द्येथ्सैव ततः प्रायंश्चित्तिये पृशुं विमश्चीरन् यस्तान्कामयेतार्तिमार्च्छंयुरितिं कुविदङ्गेति नमोवृक्तिवत्यर्चाऽऽ-ग्रींप्रे जुहुयान्नमोवृक्तिमेवेषां वृङ्के ताजगार्तिमार्च्छंन्ति॥ (१०)

प्रजापंतर्जायंमानाः प्रजा जाताश्च या इमाः। तस्मै प्रति प्रवेदय चिकित्वा अनुं मन्यताम्। इमं पृशुं पंशुपते ते अद्य बध्नाम्यंग्ने सुकृतस्य मध्यै। अनुं मन्यस्व सुयजां यजाम जुष्टं

बुध्राम्यंग्ने सुकृतस्य मध्यैं। अनुं मन्यस्व सुयजां यजाम् जुष्टं देवानांमिदमंस्तु ह्व्यम्। प्रजानन्तः प्रतिं गृह्णन्ति पूर्वे प्राणमङ्गिभ्यः पर्याचरंन्तम्। सुवर्गं यांहि पृथिभिदेवयानैरोषंधीषु प्रतिं तिष्ठा शरीरैः। येषामीशे (११)

पशुपतिः पशूनां चतुष्पदामुत चं द्विपदाँम्। निष्क्रीतोऽयं यज्ञियं भागमेत् रायस्पोषा यज्ञमानस्य सन्तु। ये बध्यमानमनुं बध्यमाना अभ्यक्षेन्त मनसा चक्षुंषा च। अग्निस्ता अभ्ये प्र मुंमोक्तु देवः प्रजापितः प्रजयां संविदानः। य आर्ण्याः पशवो विश्वरूपा विरूपाः सन्तो बहुधैकंरूपाः। वायुस्ता अग्रे प्र मुंमोक्तु देवः प्रजापितः प्रजयां संविदानः। प्रमुश्रमाना (१२)

भुवंनस्य रेतों गातुं धंत्त यजमानाय देवाः। उपार्कृत १ शशमानं यदस्थां जीवं देवानामप्येंतु पार्थः। नानां प्राणो यजमानस्य पृशुनां यज्ञो देवेभिः सह देवयानः। जीवं देवानामप्येतु पार्थः सत्याः सन्तु यजंमानस्य कामाः। यत्पशुर्मायुमकृतोरो वा पद्भिराहृते। अग्निर्मा तस्मादेनसो विश्वान्मुश्चत्वश्हंसः। शर्मितार उपेतंन यृज्ञं (१३) देवेभिरिन्वतम्। पाशांत्पशुं प्र मुंश्चत बन्धाद्यज्ञपंतिं परि।

अदितिः पाशं प्र मुंमोक्केतं नमः पुशुभ्यः पशुपतंये करोमि। अरातीयन्तमधेरं कृणोमि यं द्विष्मस्तस्मिन्प्रतिं मुश्चामि पाशम्। त्वामु ते दिधिरे हव्यवाह १ शृतं कृतीरंमृत यृज्ञियं च। अग्ने सदेक्षः सतंनुर्हि भूत्वाऽथं ह्व्या जांतवेदो जुषस्व। जातंवेदो वृपयां गच्छ देवान्त्व १ हि होतां प्रथमो बुभूथं। घृतेन त्वं तनुवो वर्धयस्व स्वाहांकृत १ हिवरंदन्तु देवाः। स्वाहां देवेभ्यों देवेभ्यः स्वाहां॥ (१४)

ह्यं प्रमुक्षमान युक्तत्वर षोडंग चा-[8]
प्राजापत्या वै प्रशवस्तेषा र रुद्रोऽधिपतिर्यदेताभ्यां मुपाकरोति
ताभ्यां मेवेनं प्रतिप्रोच्या लंभत आत्मनोऽनां ब्रस्काय द्वाभ्यां मुपाकरोति द्विपाद्यजंमानः प्रतिष्ठित्या उपाकृत्य पश्चं जुहोति
पाङ्काः प्रशवंः प्रशूनेवावं रुन्धे मृत्यवे वा एष नीयते यत्पशुस्तं
यदंन्वारभेत प्रमायंको यजंमानः स्यान्नानां प्राणो यजंमानस्य
पृशुनेत्यां ह् व्यावृत्त्ये (१५)

यत्पशुर्मायुमकृतेतिं जुहोति शान्त्यै शिमंतार उपेत्नेत्यांह यथायजुरेवैतद्वपायां वा आहिबयमाणायामुग्नेमेधोऽपं क्रामित त्वामु ते दिधिरे हव्यवाह्मितिं वपामिभ जुंहोत्युग्नेरेव मेधमवं रुन्धे- ऽथों शृतत्वायं पुरस्तां थ्स्वाहाकृतयो वा अन्ये देवा उपरिष्टाथ्-स्वाहाकृतयोऽन्ये स्वाहां देवेभ्यों देवेभ्यः स्वाहेत्यभितों वृपां जुंहोति तानेवोभयां न्प्रीणाति॥ (१६)

ब्यावृंत्या अभिती वृषा पर्श्व च॥——[५] यो वा अर्यथादेवतं युज्ञमुंपूचरत्या देवताँभ्यो वृश्च्यते पीयान्भवति यो यंथादेवतं न देवताँभ्य आ वृश्च्यते

पापीयान्भवति यो यंथादेवतं न देवताम्य आ वृंश्च्यते वसीयान्भवत्याग्नेय्यर्चाग्नीप्रम्भि मृंशेद्वैष्णव्या हंविधानमाग्नेय्या सुची वाय्व्यंया वाय्व्यान्येन्द्रिया सदी यथादेवतमेव यज्ञमुपं चरित न देवताम्य आ वृंश्च्यते वसीयान्भवति युनिज्मे ते पृथिवीं ज्योतिषा सह युनिज्मे वायुम्नतिरक्षेण (१७)

ते सह युनजिम् वाच र सह सूर्येण ते युनजिमं तिस्रो विपृचः सूर्यस्य ते। अग्निर्देवतां गायत्री छन्दं उपार्शाः पात्रंमसि सोमों देवतां त्रिष्ठप्छन्दौऽन्तर्यामस्य पात्रंमसीन्द्रो देवता जगंती छन्दं इन्द्रवायुवोः पात्रंमसि बृह्स्पतिर्देवतांऽनुष्टुप्छन्दो मित्रावरुणयोः पात्रंमस्यिभेनौ देवतां पङ्किष्छन्दोऽश्विनोः पात्रंमसि सूर्यो देवतां बृह्ती (१८)

छन्दंः शुक्रस्य पात्रंमिस चन्द्रमां देवतां सतोबृहती छन्दों मन्थिनः पात्रंमिस् विश्वं देवा देवतोष्णिहा छन्दं आग्रयणस्य पात्रंमसीन्द्रों देवतां कुकुच्छन्दं उक्थानां पात्रंमिस पृथिवी देवतां विराद्धन्दौ ध्रुवस्य पात्रंमसि॥ (१९)

अन्तरिक्षेण बृहुती त्रयंस्त्रि॰शच॥

संवेशायं त्वोपवेशायं त्वा गायित्रयास्त्रिष्टुमो जगत्या अभिभूँत्यै स्वाह्य प्राणांपानौ मृत्योर्मा पातं प्राणांपानौ मा मां हासिष्टं देवतांसु वा एते प्रांणापानयोर्- (२०)

इष्टर्गो वा अध्वर्युर्यजमानस्येष्टर्गः खलु वै पूर्वोऽर्षुः

क्षीयत आसुन्याँन्मा मन्नाँत्पाहि कस्याँश्चिद्भिशंस्त्या इति पुरा

प्रांतरनुवाकाञ्चंहुयादात्मनं एव तदेध्वर्युः पुरस्ताच्छर्मं नह्यतेऽनाँत्यै

व्यायंच्छन्ते येषा् सोमंः समृच्छते संवेशायं त्वोपवेशाय् त्वेत्यांह् छन्दा से सि वै संवेश उपवेशश्छन्दों भिरेवास्य छन्दा सि वृङ्के प्रेतिंवन्त्याज्यां नि भवन्त्य भिजित्ये मुरुत्वंतीः प्रतिपदो विजित्या उभे बृहद्रथन्तरे भंवत इयं वाव रंथन्तरम् सौ बृहद् भ्यामे वैनं मन्तरे त्युद्य वाव रंथन्तर श्वो बृहदं द्याश्वादे वैनं मन्तरेति भूतं (२१)

वाव रंथन्तरं भंविष्यद्वृहद्भूताचैवेनं भविष्यतश्चान्तरेति परिमितं वाव रंथन्तरमपेरिमितं बृहत्परिमिताचैवेनमपेरि-मिताचान्तरेति विश्वामित्रजमद्ग्नी वसिष्ठेनास्पर्धेता स् एतज्जमदेग्निर्विह्व्यंमपश्यत्तेन् वे स वसिष्ठस्येन्द्रियं वीर्यमवृङ्क यद्विहव्यर्श्शस्यतं इन्द्रियमेव तद्वीर्यं यजंमानो भ्रातृंव्यस्य वृङ्के यस्य भूया १ सो यज्ञकृतव इत्यांहुः स देवतां वृङ्कः इति यद्यंग्निष्टोमः सोमः प्रस्ताथस्यादुक्थ्यं कुर्वीत यद्युक्थ्यः स्यादंतिरात्रं कुर्वीत यज्ञकृतुभिरेवास्यं देवतां वृङ्के वसीया-भवति॥ (२२)

प्राण्पानयोर्भृतं वृङ्के प्रधाविश्यातिश्वा [७]
निग्राभ्याः स्थ देवश्रुत् आयुर्मे तर्पयत प्राणं में तर्पयतापानं तर्पयत व्यानं में तर्पयत चक्षेमें तर्पयत श्रोत्रं मे तर्पयत मनो

में तर्पयत व्यानं में तर्पयत चक्षुंमें तर्पयत श्रोत्रं मे तर्पयत मनों मे तर्पयत वार्चं मे तर्पयताऽऽत्मानं मे तर्पयताङ्गांनि मे तर्पयत प्रजां में तर्पयत पृश्नून्में तर्पयत गृहान्में तर्पयत गृणान्में तर्पयत सर्वर्गणं मा तर्पयत तर्पयंत मा (२३)

गुणा में मा वि तृष्त्रोषंधयों वै सोमंस्य विशो विशः खलु वै राज्ञः प्रदांतोरीश्वरा ऐन्द्रः सोमोऽवींवृधं वो मनंसा सुजाता ऋतंप्रजाता भग इद्धंः स्याम। इन्द्रंण देवीवींरुधंः संविदाना अनु मन्यन्ता सवनाय सोम्मित्याहौषंधीभ्य एवैन् स्वायै विशः स्वायै देवतायै निर्याच्याभि षुणोति यो वै सोमंस्याभिषूयमांणस्य (२४)

प्रथमोऽ एशः स्कन्दिति स ई श्वर इंन्द्रियं वीर्यं प्रजां प्शून् यजंमानस्य निर्हंन्तोस्तम्भि मंत्रयेताऽऽ मास्कान्थ्सह प्रजयां सह रायस्पोषेणेन्द्रियं में वीर्यं मा निर्वधीरित्याशिषंमेवैतामा शास्त इन्द्रियस्यं वीर्यस्य प्रजाये पशूनामनिर्घाताय द्रफ्सश्चंस्कन्द पृथिवीमनु द्यामिमं च योनिमनु यश्च पूर्वः। तृतीयं योनिमनुं स्अरंन्तं द्रफ्सं जुंहोम्यनुं सप्त होत्राः॥ (२५)

तुर्पयंत माऽभिषूयमांणस्य यश्च दशं च॥————[८] यो वै देवान्देवयश्सेनार्पयंति मनुष्यान्मनुष्ययश्सेनं देव-

या व द्वान्दवयश्सनापयात मनुष्यान्मनुष्ययश्सन दव-यश्स्येव देवेषु भवंति मनुष्ययश्सी मंनुष्येषु यान्प्राचीनंमाग्रयणाद् ग्रहाँन्गृह्णीयात् तानुंपार्शु गृह्णीयाद्यानूर्ध्वा इस्तानुंपिब्द्रिमतों देवानेव तद्देवयश्सेनांपियति मनुष्यांन्मनुष्ययश्सेनं देवयश्स्येव देवेषुं भवति मनुष्ययश्सी मंनुष्येष्वग्निः प्रांतःसवने पाँत्वस्मान् वैश्वान्रो मंहिना विश्वशंन्भः। स नः पावको द्रविणं दधा- (२६)

त्वायुंष्मन्तः सहभंक्षाः स्याम। विश्वं देवा मुरुत् इन्द्रों अस्मानस्मिन्द्वितीये सर्वने न जंह्यः। आयुंष्मन्तः प्रियमेषां वदंन्तो वयं देवानारं सुमृतौ स्याम। इदं तृतीयर् सर्वनं कवीनामृतेन् ये चंम्समैरंयन्त। ते सौंधन्वनाः सुवंरानशानाः स्विष्टिं नो अभि वसीयो नयन्तु। आयतंनवतीर्वा अन्या आहुतयो हूयन्तेऽनायत्ना अन्या या आंघारवंतीस्ता आयतंनवतीर्याः (२७)

सौम्यास्ता अंनायत्ना ऐंन्द्रवायवमादायांऽऽघारमा घारयेदध्वरो यज्ञोऽयमंस्तु देवा ओषंधीभ्यः पृशवें नो जनाय विश्वंस्मै भूतायाध्वरोऽसि स पिंन्वस्व घृतवंद्देव सोमेतिं सौम्या पृव तदाहुंतीरायतंनवतीः करोत्यायतंनवान्भवति य पृवं वेदाथो द्यावांपृथिवी पृव घृतेन व्यंनत्ति ते व्यंत्ते उपजीवनीयें भवत उपजीवनीयों भवति (२८)

य एवं वेदैष ते रुद्र भागो यं निरयांचथास्तं जुंषस्व विदेगींपृत्यः रायस्पोषः सुवीर्यः संवध्सरीणाः स्वस्तिम्। मर्नुः पुत्रेभ्यो दायं व्यंभज्ञथ्स नाभानेदिष्ठं ब्रह्मचर्यं वसन्तं निर्भज्ञथ्स आगच्छ्थ्भौऽब्रवीत्कथा मा निर्भागिति न त्वा निर्भाक्षमित्यंब्रवीदङ्गिरस इमे सत्तमांसते ते (२९)

सुंवर्गं लोकं न प्र जानिन्त् तेभ्यं इदं ब्राह्मणं ब्रूह् ते सुंवर्गं लोकं यन्तो य एंषां पृशवस्ता इस्तें दास्यन्तीति तदेंभ्यो- ऽब्रवीत्ते सुंवर्गं लोकं यन्तो य एंषां पृशव आस्नानिस्मा अददुस्तं पृश्मिश्चरंन्तं यज्ञवास्तौ रुद्र आगंच्छुथ्सौ ऽब्रवीन्मम् वा इमे पृशव इत्यदुर्वे (३०)

मह्यंमिमानित्यंब्रवीन्न वै तस्य त ईशत् इत्यंब्रवी् घद्यंज्ञवास्तौ हीयंते मम् वै तदिति तस्माँ चज्ञवास्तु नाभ्यवेत्य १ सौं-ऽब्रवीद्यज्ञे मा भृजार्थं ते पृश्चन्नाभि मईस्य इति तस्मां एतं मृन्थिनः सइस्रावमंजुहोत्ततो वै तस्यं रुद्रः पृश्चन्नाभ्यंमन्यत् यत्रैतमेवं विद्वान्मन्थिनः सइस्रावं जुहोति न तत्रं रुद्रः पृश्चनिभ मंन्यते॥ (३१)

द्धाल्वायतंनवर्तीर्या उपजीवनीयो भवित तेऽदुर्वे यत्रैतमेकांदश च॥——[९] जुष्टो वाचो भूयास् जुष्टो वाचस्पतंये देवि वाक्। यद्वाचो मधुंमृत्तस्मिन्मा धाः स्वाहा सरंस्वत्यै। ऋचा स्तोम् समर्धय गायत्रेणं रथन्तरम्। बृहद्गांयत्रवंतिन। यस्ते द्रफ्सः स्कन्दंति यस्ते अश्रुर्बाहुच्युंतो धिषणंयोरुपस्थांत्। अध्वर्योर्वा परि यस्ते पुवित्राथ्स्वाहांकृतमिन्द्रांय तं जुंहोमि। यो द्रफ्सो अरशुः पंतितः पृंथिव्यां पंरिवापात् (३२)

पुरोडाशौंत्करम्भात्। धानासोमान्मन्थिनं इन्द्र शुक्राथ्-स्वाहांकृतिमन्द्रांय तं जुंहोमि। यस्ते द्रफ्सो मधुंमा । इन्द्रियावान्थ्स्वाहांकृतः पुनंरप्येति देवान्। दिवः पृंधिव्याः पर्यन्तरिक्षाथ्स्वाहांकृतिमन्द्राय तं जुंहोमि। अध्वर्युर्वा ऋत्विजां प्रथमो युंज्यते तेन स्तोमों योक्तव्यं इत्यांहुर्वागंग्रेगा अग्रं एत्वृज्गा देवेभ्यो यशो मयि दर्धती प्राणान्पशुषुं प्रजां मयिं (३३)

च यर्जमाने चेत्याह वार्चमेव तद्यंज्ञमुखे युनक्ति वास्तु वा एतद्यज्ञस्यं क्रियते यद्भहाँनगृहीत्वा बंहिष्पवमान सर्पन्ति पराँश्चो हि यन्ति परांचीभिः स्तुवतें वैष्णव्यर्चा पुनुरेत्योपं तिष्ठते युज्ञो वै विष्णुंर्यज्ञमेवाकर्विष्णो त्वं नो अन्तमः शर्म यच्छ सहन्त्य। प्र ते धारां मधुश्चुत उथ्सं दुह्नते अक्षितमित्यांह यदेवास्य शयांनस्योपशुष्यंति तदेवास्यैतेना प्यांययति॥ (३४)

पुरिवापात्प्रजां मियं दुहते चतुर्दश च॥_______

अग्निनां र्यिमंश्ञवृत्पोषंमेव दिवेदिवे। युशर्सं वीरवंत्तमम्॥

गोमा र अग्नेऽविमार अश्वी यज्ञो नृवथ्संखा सद्मिदंप्रमृष्यः। इडांवार एषो अंसुर प्रजावान्दीर्घो रियः पृथुबुप्नः सभावान्॥ आ प्यांयस्व सं ते॥ इह त्वष्टांरमग्रियं विश्वरूपमुपं ह्वये। अस्माकंमस्तु केवंलः॥ तन्नंस्तुरीपमधं पोषियृ देवं त्वष्ट्विं रंराणः स्यंस्व। यतो वीरः (३५)

कंर्मण्यः सुदक्षो युक्तग्रांवा जायंते देवकांमः। शिवस्त्वंष्टिर्हा गंहि विभः पोषं उत त्मनां। यज्ञेयंज्ञे न उदंव। पिशङ्गंरूपः सुभरों वयोधाः श्रुष्टी वीरो जांयते देवकांमः। प्रजां त्वष्टा विष्यंतु नाभिंमस्मे अथां देवानामप्यंतु पार्थः। प्र णों देव्या नों दिवः। पीपिवारस्र सरंस्वतः स्तनं यो विश्वदंर्शतः। धुक्षीमिहं प्रजामिषम्ं। (३६)

ये ते सरस्व ऊर्मयो मधुमन्तो घृत्श्चतः। तेषां ते सुम्नमीमहे। यस्यं व्रतं प्रावो यन्ति सर्वे यस्यं व्रतमुप्तिष्ठंन्त आपः। यस्यं व्रते पृष्टिपतिर्निविष्ट्रस्त सरंस्वन्तमवंसे हुवेम। दिव्य सुप्णं वयसं बृहन्तम्पां गर्भं वृष्ममोषधीनाम्। अभीप्तो वृष्ट्या तर्पयंन्तं तस् सरंस्वन्तमवंसे हुवेम। सिनीवालि पृथुष्टुके या देवानामिस स्वसां। जुषस्वं ह्व्य- (३७)

माहुंतं प्रजां देवि दिदिष्ट्वि नः। या सुंपाणिः स्वंङ्गुरिः सुषूमां बहुसूवंरी। तस्यै विश्पित्रिये हुविः सिनीवाल्ये जुंहोतन। इन्द्रं वो विश्वत्स्परीन्द्रं नरंः। असितवर्णा हर्रयः सुपूर्णा मिहो वसाना दिवमुत्पंतन्ति। त आऽवंवृत्रन्थ्सदेनानि कृत्वादित्पृंथिवी घृतैर्व्युद्यते। हिरंण्यकेशो रजंसो विसारेऽहिर्धुनिर्वातं इव ध्रजीमान्। श्चिंभाजा उषसो (३८)

नवेदा यशंस्वतीरपस्युवो न सत्याः। आ ते सुपूर्णा अमिनन्त एवैं: कृष्णो नोनाव वृष्मो यदीदम्। शिवाभिन स्मयंमाना-भिरागात्पतंन्ति मिहंः स्तुनयंन्त्युभा। वाश्रेवं विद्युन्मिमाति वृथ्सं न माता सिषक्ति। यदेषां वृष्टिरसंर्जि। पर्वतश्चिन्महिं वृद्धो विभाय

ऋष्ट्रिमन्त आपं इव स्प्रियंश्चो धवध्वे। अभि कंन्द स्त्नय् गर्भमा धो उद्न्वता परिं दीया रथेन। दृति सु कंर्ष् विषितं न्यंश्वर स्मा भवन्तू द्वतां निपादाः। त्वं त्या चिदच्युताग्नें पृश् यवंसे। धामां हु यत्ते अजर् वनां वृश्चन्ति शिक्वंसः। अग्ने भूरीणि तवं जातवेदो देवं स्वधावोऽमृतंस्य धाम। याश्चं (४०)

दिवश्चिथ्सानुं रेजत स्वने वैः। यत्क्रीडंथ मरुत - (३९)

माया मायिनौं विश्वमिन्व त्वे पूर्वीः संन्द्धः पृष्टबन्धो। दिवो नों वृष्टिं मंरुतो ररीध्वं प्र पिन्वत् वृष्णो अश्वंस्य धारौः। अविङ्तेनं स्तनियुत्नेह्यपो निष्त्रिश्चन्नसुरः पिता नः। पिन्वंन्त्यपो मुरुतः सुदानंवः पयो घृतवंद्विदथेष्वाभुवः। अत्यं न मिहे वि नयन्ति वाजिन्मुर्थ्सं दुहन्ति स्तनयंन्तमिक्षंतम्। उद्प्रुतो मरुतस्ताः इंयर्त् वृष्टिं (४१)

ये विश्वें मुरुतों जुनन्तिं। क्रोशांति गर्दा कन्येंव तुन्ना पेर्रु तुआना पत्येव जाया। घृतेन द्यावापृथिवी मधुना समुक्षत पर्यस्वतीः कुणुताऽऽप ओषंधीः। ऊर्जं च तत्रं सुमतिं चं पिन्वथ यत्रां नरो मरुतः सिश्चथा मधुं। उदु त्यं चित्रम्। और्वभृगुवच्छुचिमप्रवानवदा हंवे। अग्निर संमुद्रवांससम्। आ सवर संवित्यंथा भगंस्येव भुजि हुवे। अग्नि संमुद्रवांससम्। हवे वातंस्वनं कविं पर्जन्यंक्रन्द्य सहंः। अग्नि संमुद्रवांससम्॥ (४२)

वीर इष हव्यमुषसों मरुतश्च वृष्टिं भगस्य द्वादंश च॥____ प्रजापितरकामयतैष तें यज्ञं वै प्रजापंतेर्जायंमानाः प्राजापत्या यो वा अयंथादेवतिमष्टर्गों निग्राभ्याः स्थ यो वै देवां जुष्टोऽग्निनां रियमेकांदश॥११॥

प्रजापंतिरकामयत प्रजापंतेर्जायंमाना व्यायंच्छन्ते मह्यमिमान्माया मायिनां द्विचंत्वारिश्शत्॥४२॥ प्रजापंतिरकामयताग्नि । संमुद्रवांससम्॥

हरिः ॐ॥

॥कृष्ण-यजुर्वेदीय-तैत्तिरीय-संहितायां तृतीयकाण्डे प्रथमः प्रश्नः समाप्तः॥३-१॥

Begin generated on July 16, 2024

Downloaded from

🔾 http://stotrasamhita.github.io | 🖸 StotraSamhita | Credits

